



数据加载失败，请稍后重试！

近代中國史料叢刊續編第四十九輯
沈雲龍主編

許世英先生紀念集

黃伯度編

文海出版社

有限公司
印行

許世英先生紀念集

中華民國六十七年一月出版

近代中國史料叢刊續編

第四十九輯

精裝：十冊

定價：新台幣

主編者：沈

雲

龍

發行人：李

振

華

出版者：文海出版社有限公司

臺北縣永和鎮中興街99巷8號

郵政劃撥戶第二七八四號

電話：九二一六五九
三四一六九二八號

印刷者：東南印製廠有限公司

台北市西園路294巷15弄17號


經銷者：全省各大書局

行政院新聞局出版事業登記證局版台業字第〇四四九號



遺

像



總統題額及褒揚令

靜仁先生 千古

德高望重

并中正 敬挽

總統令

總統府資政院計世英資望昭著誠為通達學問
歐美司法監獄多觀博學現任多氏國學提督司
法總長既耄年深望 國父嘉許日商數歷內外
大著芳華適時得據先時大體十三年冬 國父此
上格諸賢義意圖出於主誠教誨顯其年歲此後以
東入位十指出決日全東 承國重慶宣統統戰軍



年之閱歷雖遠之進千為
蒙威長會長自長壽道
難處領狀獻贊有亮弗則
經年過而兩機康五益扶
重望長成遠逝於時長深
緬懷破竭為念有賢之生

統 蔣中正

行政院院長 蔣中正

中華民國三十四年一月十五日

典夏官 唐振堯

許世英先生紀念集目錄

一、遺像

二、總統題額及褒揚令

三、傳略

四、紀念照片

五、祭文

六、輓聯

七、誄詞

八、吊唁函電

九、致送花園花籃台銜

十、致送輓幛台銜

十一、致送贈儀台銜

十二、紀念文字

十三、治喪紀要

十四、遺著

十五、附錄

傳 略

中華民國五十三年十月十三日資政 許公病逝於台北市空軍總醫院年九十二 總統聞耗震悼頒輓臨祭明令褒揚飾終之典既備越歲暮年親友議宜次 公生平上諸史館用備汗青之採以伯度自髫齡問字以迄長而從政五十餘年常侍左右於 公出處志事之聲華大者知見較詳咸督以操觚之役不敢以不文辭追維夙昔抑不知涕之何從也 公諱世英字靜仁安徽省至德縣人所居兆吉山雙谿村晚因自號雙谿老人先世積德累仁俱以孝弟力田表望鄉黨父玉堂公母朱太夫人尤著樂善稱 公生於民國紀元前三十九年即清同治十二年癸酉七月十九日少小岐嶷讀書具慧解爲文每驚老宿年未冠食餼於庠然不屑斤斤章句之學獨留意古今治亂郡國利病慨然早有經世之志光緒二十三年丁酉拔貢入都朝考一等籤分刑部七品小京官既通籍歷直隸司正主稿秋審處坐辦法律館纂修奉天高等審判廳長特派出席華府萬國監獄會議並考察英法德義俄荷比奧瑞各國司法獄政其間繚歷十餘年溫故知新於法學所造極邃故民國成立 公卽以清望首任大理院院長旋復轉任司法總長其前任爲東莞王公亮疇本與 公舊交莫逆逮今五十年來言開國法界勳秩者必以二公並舉云當 國父中山先生初蒞燕都之日卽 公奉新司法制度之時舉如確立律師制度設置新式法庭普用法律學生皆 國父目擊心嘉稱之爲司法革命而面致欣勉者自是厥後 公迴翔中外歷膺內務財政交通各總長迭主奉天山西福建安徽各省政涖登端揆總攝百僚雖久暫不同險夷不一莫不以法治之精神行愛民之仁政遭時擾攘一秉公忠襟抱之宏願力之偉蓋非可以尋常淺測先是民國二年 公解司法總長任合肥段公芝泉深相引重交訂金蘭登堂拜母親如骨肉段公十齡以長 公一生

兄事弗渝復辟事起 公密贊段公再造共和並力主黃陂復職重開國會格於羣罵不果民國十二年段公養晦獨居公亦時共晨夕盱衡寰宇非南北一致團結不足以創新局而奠民生於是段公派 公代表赴粵謁國父面陳至計其大指則先開善後會議繼開國民會議將以集思廣益定國是而開太平 國父嘉 公忠懇欣納其言謂如芝泉朝有電來夕即北上由此孫段二公遂訂津沽相晤之約迨 國父舟航北上其時段公已先入京任臨時執政原議以 公任執政府祕書長值強藩羣小交相牽搆所以排抵掣阻者無不至 公既不能舉其職則仍堅申前約促開善後會議自負籌備之責不幸 國父臥病公視候行邸肫誠恭謹多所商承詎意款洽方融而 國父疾已大漸遽棄塵寰遺囑國人猶諄諄於國民會議之實現斯 國父在天之憾而亦公傷心危涕太息旁皇者也其後北局日非段公復浼 公任國務總理雖時勢已不可爲然 公黽勉崎嶇旋匡補閣員中如于右任王正廷楊庶堪莫德惠先生等皆一時清望蓋猶出向來團結之一念此物此志可謂顛沛不渝者矣民國十五年今 總統嶺表誓師戈鋌北指 公已先辭揆席仍屢造膝密陳於段公謂國民革命軍有主義有領袖有組織有人才有朝氣必獲成功段公亦深納訐謗恬焉交應樂觀全國統一之成是又公定策決疑之大者也其後九一八變作段公棲隱津門 公已遷居滬上風傳敵奸不軌將加段公以挾持 公特入陳當局遣使賡書促段公南下享晚歲清娛之福公私兼篤利在國家又不僅友朋直諒終始誠孚已也公暫謝政事而饑溺之心仍關天下與朱子橋王一亭先生等協力從事社會福利暨災害救濟事業適長江黃河迭有水患 公不辭沉瘁櫛風沐雨以澹沉災其時今總統府祕書長華陽張公岳軍適長滬市既與 公夙敦雅故同舟共濟投分尤深稍後張公入長外交 公遂於民國二十五年春承奉使日本之命枕隍折衝艱危萬狀剛柔交用責在行人公貫以精忠發爲大勇泛應曲當昭示我政府保衛主權之決心而日本軍閥凶頑斷

難覺悟 公密察深思知二國兵戎終不能免因向政府密陳實況請速定大計果也盧溝釁作抗戰軍興 公
護持旄節橫海邁還手著雪樓紀事一書詳茲顛末爾來治現代史者咸必所取材焉 公歸國後政府爲撫輯
戰區黎庶特設振濟委員會以與日本邦交雖斷初未宣戰乃由太谷孔公庸之挈該會委員長之銜而實以
公代任其事八年之間全國分支機構數百處遍及遐陬敵後救護難民逾千萬衆其中智勇辨力之才往往聞
見又多孤雛黃口教養成人實爲國家隱葆元氣不僅嗟起瘡痍而已孔公兼筦度支發政施仁歲頒鉅帑累以
億計而公料簡秩然無纖毫之虛耗歧誤實心實政天下翕然抗戰勝利後 公以齒屆懸車本有林泉之想而
國家方籌制憲張公實求國鈞禮敬老成延公入閣畀掌蒙藏邊務 公諠不可辭遂復佐張公參知政事洎夫
赤氛復煽全陸淪胥 公先已解任違難香港者二年恭聞 總統復行視事輒來台定居與張公復共班聯同
赴艱危更期靖獻深信一成興夏必轉乾坤亦如其預言北伐與抗戰之皆必致勝利者初不謂天不慙遺遽摧
元老是則 公歿而猶視魂魄長恫者也 公淵渟玉蘊儀觀端凝清德皎然自奉儉不治生產早達顯要六十
餘年無一錢之蓄正以率屬而待之有恩周卹貧乏靡不至不以示惠而人自不能忘故聞 公之喪雖非素識
有痛哭失聲者昔人追美李衛公曰八百孤寒齊下淚今於 公亦見之矣公喜吟詠沖和似白香山書宗右軍
臨池數十年工力深厚晚筆尤瘦硬通神得者珍逾球璧云自餘所未及者別有公家傳在
中華民國五十四年十月十三日受業舒城黃伯度謹撰

